

Lo Instala Directiva Di Fundacion Bienestar General Di Pacient

Publication: Monday, 21 June 2010. Categoria: **General**

ORANJESTAD (AAN)* Actualmente ta hopi den discussion nos cuidu general di salud na unda cu segun nosCodigo Civil nobo, e pacient tin derechonan cu te ainda stakeholders riba e tereno aki no ta tene cuenta cune.

Entre otro e Guerra frieu entre asociacion di Docternan di Cas, tin cu e Assosacion di Specialistanan pa un powerplay cu por tin consecucionan pa e pacient mirando cu e pacient tin e derecho di escogencia. Ademas cada un tin su rol dentro di e sistema di nos cuidu medico general, un especialista a studia mas tempo den su ramo y mester por evalua pa su mes, si e pacient worde referi na otro specialistanan.

Esaki den cuadro cu e docter di cas ta esun prome pa evalua e pacient y ora cu e referi e pacient pa especialista, automaticamente el a pone e cuidu medico di su pacient den man di e especialista kende cu door di testnan por a sali na cla cu e pacient ta sufri di un enfermedad adicional of diferente cu e prome evaluacion di e docter di cas. E especialista den su capacidad di studio specialisa por evalua miho cu e docter di cas den esaki.

Pues e no mester ta asina cu ta docter di cas so por referi e pacient na un otro especialista cu ta cuadra tambe cu remarkenan di Premier Mike Eman pa traha den team di diferente specialismo, e espirito di teamwork afterall ta contribui asina na eficiencia di trabao dentro di nos sistema di salud publico. Varios docter di cas no kier duna e asina yama verwijsbrief pa bay un especialista y aki cosnan por bay hopi fout. Esaki pa motibo cu e tempo di espera cerca cierto dokternan di cas a yega 6 siman y cerca specialistanan algun luna.

Pues esaki no ta nada beneficoso pa e pacient mirando cu momento cu e ta sinti cierto sintoma e tin cu warda asina hopi tempo pa e por worde atendi cu por conduci na empeoramento di e enfermedad. For di pasado caba e cuidu medico general tabata worde cuestiona pa de-eficiencia di su funcionamiento.

E derecho di pacient no ta worde honra pa loke ta suministracion di informacion. Den exterior e pacient ta worde debidamente informa di tur loke ta pasando cune y aki na Aruba e pacient tin cu puntra pa haya sa y si e puntra di mas e ta pone e docternan ofende y rabia, na unda cu e docternan ta ignora cu via internet hopi informacionnan valioso ta available.

Pues un manera anticua y de-eficiente pa trata cu pacient. Cu gobierno y parlamento ta riba mesun linea pa shift e cuidu medico curativo pa uno preventivo ta algo hopi positivo mirando cu no por sigui hinca placa den un sistema di cuidu medico de-eficiente.

Un sugerencia ta pa tur asegurado di AZV haci un general test anualmente, na unda cu na un forma preventivo ta mira e condicion di e pacient cu kisas no ta sinti ningun tipo di sintoma ainda y cu por worde trata pa su docter di cas cu ta construi na baha gastonan medico.

Den e maneho nobo di cuidu di salud general aki mester tin espacio pa reconoce y respeta e derecho di e pacient, cu mester worde integra den e cuidu medico general diariamente na Aruba.

Proximamente e Sociale Raad lo keda instala bao di auspicio di Fundacion CAS, na unda cu persona cu diferente background lo forma parti di esaki. E funcion di e Consejo di Supervision Social aki ta parti di Fundacion Bienestar General di Pacient, B.G.P. cu lo salvaguardia derecho di pacient, combati discriminacion den e derecho pa haya cuidu general di salud, cu pacient tin mas di bisa pa cu su cuidu y cu ta tene cuenta debido di esaki pa e docternan y otro cuidonan, dunamento optimal y debido di informacion, trata kehonan di pacient como intermediario, cu informacion, orientacion, concientisacion y guia.

Tambe lo promove calidad y cortesia di nos sistema di salud publico door di influencia e maneho di e diferente asociacion di docter, aseguronan y gobierno.

Lo traha encooperacion cu otro grupo of instancia cu ta traha na beneficio di derecho di pacient na unda cu lo afilia cu diferente grupo, asociacionnan internacional encunto derecho di pacient y protégé e pacient di practicanan indebido di parti di docternan y tambe diferente instancia of negoshi cu kier impone servicio y producto na e pacient na forma indebido. Loke ta importante ta, pa conscientisa e pacient riba un estilo di bida cu ta contribui na su salud y tur actividad relaciona cu esaki.

<http://www.diario.aw/2010/06/lo-instala-directiva-di-fundacion-bienestar-general-di-pacient/>